

السنة التحضيرية

المسار الصحي



بتكلم عن اهم الأشياء الي ممكن
تحتاجونها خلال هالسنة بإذن الله
من ناحية المواد ونبذة عنها
وطريقة الأختبارات والنظام بشكل
عام .

مواد السنة التحضيرية :

Plan A,

- ❖ اللغة الإنجليزية
- ❖ حاسب
- ❖ رياضيات
- ❖ فيزياء
- ❖ صحة و لياقه

Plan B,

- ❖ اللغة الإنجليزية
- ❖ الكيمياء
- ❖ الاحياء
- ❖ مصطلحات طبية
- ❖ مهارات اكاديمية وحياتيه

طبعاً خطط المواد تختلف بعضكم ممكن يدرس الخطة أ

الترم الأول والبعض الآخر يدرس الخطة ب الترم

الثاني والعكس صحيح .



English language

اللغة الإنجليزية

المادة مهمة جداً وتلعب دور رئيسي في المعدل الترم الأول معدل الساعات له "6" والترم الثاني "4" ضروري الاهتمام لها ، كل شهر نخلص مستوى ونبدأ بكتاب ثاني بمستوى اعلى وكل مستوى له كتابين:

*كتاب ليسنق وسيكنق

*كتاب ريدنق ورايتنق

تقريباً خلصنا خلال الترمين 4مستويات

الكويزات :

عبارة عن تقويم بشكل مستمر بعد كل وحدة او وحدتين ، ومن دكتوراه او دكتور يختلف بس دكتورتنا كانت تختبرنا 4 كويزات .

ويكون عبارة عن قطعة وعليها أسئلة وفوكابلي وقرامر وبالإضافة الى موضوعين وتختاري واحد وتكتب عنه .

كل كويز عليه 10 درجات و اخر الترم يأخذون افضل 3 درجات لك .

الميدترم & الفاينل :

كل الاسئلة **multiple choice** الا السؤال الاخير راح يكون كتابه ويخبرونكم بين موضوعين وغالباً يجيبون مواضيع قريبه من الكتاب نفسها او خارجيه.

كيف اذاكر للماده ؟ الماده تحتاج منك تذاكري الفوكابلي الموجود بالكتاب مع معانيه وفهم للقرامر وتهينه لنفسك كيف تكتب تعبير بالانجليزي .



Computer skills

مهارات الحاسب


الماده تعتمد على الحفظ والفهم بنفس الوقت
تنقسم لعملي ونظري ، النظري سهل وماينشال همه
كثير لكن يحتاج مذاكرة اول بأول المعلومات متقاربه
ومتصله ببعضها كل محاضره مكمله للثانيه يتكلم عن
الحاسب بشكل سطحي الانترنت وشبكة المعلومات
واساسيات الانترنت والويب .. إلى آخره.

العملي اشتغلنا على **word, PowerPoint, excel**

يحتاج تدريب باستمرار لإن التصحيح فيه الكتروني
وبالخطوات ودقيق لو نسيت/ي شيء يضيع عليك
درجه .. كان في **case project** لكل برنامج
تطبقونه بالمعمل لوقت معين .

كويزات النظري والعملي كلها في موقع **person**
راح يعلمونكم عليه بالتفصيل ان شاء الله .


مصادر الدراسه أعمادي كان على السلايدز الي
تشرحه الدكتوراه محتجت الكتاب + تجميعات الدفع
السابقه .



Math الرياضيات

نفس دروس الثانوي وأسهل مادة جميلة جداً لو فهمت/ي بشكل كويس الدروس تتكلم عن المجال والمدى واللوغاريتم وتحليل المعادلات .. الخ .
مو كل الأمثلة معاكم ومو كل الدروس معاكم تقريباً
١١ شابترز وراح تنزل لكم الخطه .
فيه واجبات وكويزات على موقع *person* وكلها اختياري ، الميترم عبارة عن ١٠ اختياري والباقي كله حل معادلات ونفس الطريقة الفاينل .
"الماده مادة فهم وليس حفظ تتغير الارقام"

لو صعب عليك فهم شيء في برامج تشرح لك خطوات حل هالمعادله مثل "*photomath*"



Physics

الفيزياء

المادة تحتاج فهم وخصوصاً للمسائل مو صعبه ولا سهله تحتاج جهد تتكلم عن علم البصريات ، شغل الطاقه ، الفيزياء النوويه .. الخ .

كويزات واسايمنت على موقع **person** اسئلته بالموقع من الفضاء حقيقي تأخذ وقت على حلها . 😊

الميدترم والفاينل كله **multiple choice** -مافيه عملي -



Health and fitness


الصحة واللياقة

المادة بالعربي بتكون عليكم سهله بما انها الماده الوحيدة الي بتكون بالعربي لكن معلوماتها كثيره ماينفع تنذاكر بيوم وليله .

تتكلم عن الامراض الوراثيه والصحة بشكل عام والاسعافات الأوليه .. الخ .

الماده لها كويزين وكلهم اختياري والميدترم والفاينل اختياري وصح وخطأ .

متطلبات الماده ملف وكل بعد وحده لها واجب تسلمونه للدكتوراه + شهادة المهارات الاساسيه للإسعافات الأولية .



Chemistry

الكيمياء

المادة نفس الشيء انت من تحدد صعوبتها وسهولتها بالنسبة لك ولجهدك واجتهادك فيها ،بتسمع/ي كلام كثير بخصوصها انها صعبه والأسئلة ووو.. لاتسمع/ي لكلام شخص عيش التجربه واحكم عليها ..المادة تتكلم عن فروع الكيمياء بشكل عام شوي من الكيمياء الذرية والحيوية ..إلى آخره.

مستوى الاسئلة من وجهة نظري وسط بين وبين وكثير حققوا فيها درجات عالية وانا منهم لكن تحتاج تركيز ومذاكرة .
القنوات الي تشرح كثيره اكتب/ي اسم الشابتز ويطلع لك اساتذه يشرحون ..

كويز واسايمنت كلهم على موقع person دائماً الموقع اسئلته معقده شوي غير عن الميترم والفاينل وفرق كبير لإنها من بنك أسئلة الموقع .

الميترم والفاينل كلهم multiple choice.

مصادر الدراسة اشوف الشابتزز يكفي والكتاب مهم من ناحية المسائل ويجي منه كثير +تجميعات الدفع السابقه

-مافي عملي -



Biology

الأحياء

المادة القريبه جداً من التخصصات الصحيه ،كلها حفظ وتحتاج فهم في بعض الاشياء والصور مهمه جداً تـجي بالميد او الفاينل ..
تحتاج مذاكرة اول بأول لأن معلوماتها كثيره تتكلم عن الخليه وانقساماتها وعن الوراثة والانسجه والجهاز الهضمي والجهاز التنفسي والدوراني .. الخ .

نفس الشيء الكويـز والاسايمنت على موقع **person**

ميد وفاينل كلهم “ **multiple choice** “

مصادر الدراسه الشابتـرز +تجميعات الدفع السابقه .

المادة صحيح كثيفه معلوماتها لكن الاسئله سطحية وسهله .

-مافي عملي -



long period of time, or accept problems, without getting angry

professional (adj): well-trained and good at your work

sensitive (adj): able to understand people's problems or feelings

1.3

adherence (n): when someone behaves according to a rule or belief

behavior (n): the things that a person does; the way they act

choice (n): an act of picking between two or more possibilities

engagement (n): when you become involved with someone or something in order to understand it/them

guidelines (n): rules or recommendations telling you how to do something or how to behave

instructions (n): statements telling people what they must do

English for medicine

اللغة الانجليزية للتخصصات الصحية

مادة ممتعه جداً وسهله كلها صور وكلمات متعلقه بالتخصصات الصحية


اجهزه او عضلات او مهن .. الخ

وبأخر الكتاب معنى كل كلمة ومهمة جداً وتجي بالإختبارات .

الكويزات على حسب الدكتور/ه كم يسوي لكم كويز ميدترم وفاینل كلهم

اختياري "معنى الكلمة +قرامر +صور وتختارون ايش الكلمة المناسبة

للصوره".



Academic and life skills

مهارات اكاديميه وحياتيه

مادة بالعربي سهله معلوماتها كثيره لاتفرطون فيها وتتهاونون ترفع في المعدل كلها اختياري وواضحه فيها الاسئله جداً .

متطلبات الماده بحث علمي تشتغلون عليه الى نهاية السنه مجموعات و عليه ٠ ادرجات .

أسئلة شائعة :

١- ايش اختبار اللغة الانجليزية الي لازم اختبره عشان التخصيص؟

- اختبار ايلتس او توفل او ستيتب عندك هالأختبارات تقدر/ي تختبر/ي واحد منهم لتحقق الشرط

، انصح بالاستيب اسهل من عدة جوانب .

مصدر مفيد لإختبار ستيتب

<https://t.me/Ozayz22step3>

٢- لو اختبرت ستيتب وابي تمرير ، صيدلة ، طب ...كم الدرجة المطلوبه لإجتيازه؟

التمرير ، المختبرات الطبيه، التأهيل الصحي ٥٢

الصيدلة ٦٧

الطب ٧٥

٣- اسئلة الفروع الدوامي شقراء القويقيه موحده؟

نعم، الكل طالبات وطلاب يختبرون ماده نفسها بكل الفروع وبنفس الاسئلة والوقت والاسئله

يكتبها منسق للماده .

٤- اللغة عائق بما ان المواد كلها انجليزي؟

اللغه مو عائق ابدأ اذا انت انسان طموح وتحلم لتخصص معين عمر اللغة ماكانت عائق البدايات

صعبه مع الترجمة والمذاكره بتكتسب اللغة وتشوف/ي تطور ملحوظ عليك .

والوقت هذا مناسب لتطوير اللغة قبل الدراسه

٥- هل في زي موحده معين للتحضيري؟

سكرب درجات الازرق .

٦- التحضيري صعب تعجيزي؟

حاول تبعد عن الناس السلبيين ولا تسمع للي يقول السنة التحضيرييه تعجيز الاسئلة صعبه

الدكتور/ه الفلاني/ه مو كويس/ه الخ كله كلام غير حقيقي ومع بدايه دراستك بتتاكد بنفسك

الدراسة في الجامعة تختلف كلياً عن الثانوي واهم شي فيها انك تتعلم تنظم وقتك وترتب

اولوياتك .

من النصائح المهمة الي من المفترض تتأملوها هي:
"أعطى السنة التحضيرية سنة من عمرك تعطيك العمر كله"

كل جهد بذلته ووقت قضيته وصعوبة
واجهتها في سبيل دراستك، تلك التفاصيل
التي تراها وحدك بين حرفك وكتابك، لن
تضيع عند الله ولو كانت سبب أحزانك، مهما
تعثرت في طريق العلم خطواتك، ثق بنفسك
وانهض ولا تستسلم لإحباطك، لا تهتم
لخيباتك ستستعيد توازنك وتحقق أحلامك،
لن يضعك الله بمكان يفوق قدرتك.

إن اصبحت فمن الله وان أخطأت فمن نفسي والشيطان ..
تسعدنا الدعوات الطيبة رافقكم التوفيق .

- فيّ فايز .

أي سؤال او استفسار ،

تيلجرام : @faialo